

中國古典數字工程叢書

老子集

中國古典數字工程叢書

老子集

四卷



图书在版编目(CIP)数据

老子集 / 栾贵明主编. — 北京: 新世界出版社,
2013.9

ISBN 978-7-5104-3379-5

I. ①老… II. ①栾… III. ①道家 IV. ①B223

中国版本图书馆CIP数据核字(2013)第234656号

老 子 集

主 编: 栾贵明

责任编辑: 张世林

版式设计: 陈 飞

封面设计: 贺玉婷

责任印制: 李一鸣 黄厚清

出版发行: 新世界出版社

社 址: 北京市西城区百万庄大街24号 (100037)

总编室电话: +86 10 6899 5424 6832 6679 (传真)

发行部电话: +86 10 6899 5968 6899 8705 (传真)

本社中文网址: <http://www.nwp.cn>

本社英文网址: <http://www.newworld-press.com>

本社电子信箱: nwpcn@public.bta.net.cn

版权部电子信箱: frank@nwp.com.cn

版权部电话: +86 10 6899 6306

印 刷: 北京画中画印刷有限公司

经 销: 新华书店

开 本: 710×1000 1/16

字 数: 125千字 印 张: 12.25

版 次: 2013年10月第1版 2013年10月北京第1次印刷

印 数: 1—4000册

书 号: ISBN 978-7-5104-3379-5

定 价: 50.00 圆

新世界版圖書 版權所有 侵權必究
新世界版圖書 印裝錯誤可隨時退換

編輯人員

名譽主編 胡德平

主編 樂貴明

副主編 張世林 賴永海 田奕

編輯 陳飛 淨因 修崧榮 胡小偉

白小麥 裴效維 董磊 崔昌喜

萬春蓮 胡曉鐘 朱婷 李偉

曹世超 胡敏 胡竹君 任剛

任紅 張曉光 魏國慶 朱明

劉偉成 劉叢叢 歐陽志方

校對 陳瑞榮 趙雲英 李進英 李進榮

周玉蘭 李靜 趙麗媛 譚淑苹

周松梅 楊萬里

題辭

拾穗靡遺，掃葉都淨，網羅理董，俾求全徵獻，
名實相符，猶有待於不恥支離事業之學士焉。

錢鍾書 默存

《管錐編》第三冊八五四頁《總敘》
中華書局一九七九年八月第一版

老子小傳

老子，姓李名耳，字伯陽。楚之苦縣人。一名重耳，外字聃，亦稱老聃。又云即楚人老萊子。相傳母懷之八十一歲而生，故號為老子。為周柱下守藏史，孔子嘗往問禮。後見周衰，乃西出函谷關而去。著《道德經》五千餘言，莫知所終。唐初冊尊號為「聖祖玄元皇帝」，唐玄宗天寶年間追尊號為「大聖祖玄元皇帝」「聖祖大道玄元皇帝」「先天太上皇」。《老子》一書由《隋書·經籍志》起，即有記載，後世綿延不斷。其中以王弼本盛傳不絕。通行之《諸子集成》破例並收《老子》兩個版本。編者依錢先生所定，以王弼注《老子道德經》為底本，用魏源的《老子本義》為副本，每節先將其異文標出，同時又遵王弼本「八十一章」之制，可謂諸異已呈，二美兼得。本集除新輯老子語文一百四十餘條，又有《西昇經》《顯道經》等六種，集中多存老子遺句，當為研讀探討老子思想的必要資料，其中如「大道無形」「大道無名」「抱元守一」亦被多次徵引，故以附錄存參。本書體例中的「存參」，是為讀者研討者方便得到資料，編者不能擅自結論剪裁也。至於《文子》一書，集中引錄老子語一百八十五條，僅有三條見今存《老子》，而多數有老子語夾敘，故多存疑惑。該書又將單獨成集，故不再存參。

凡例

甲、緣由

六千五百年中華文化，其核心為漢字記錄之典籍。我們的文化，很好的文化，是一個個中國人所創建；「經史子集」和外來圖書分類法，不足以全面呈現中華文化。「自信開拓萬古之心胸」的錢鍾書先生上列論斷，焦琴有聲，聞風響應。涓涓細流，從者如泉，不舍晝夜。他對文化和電腦聯姻寄以厚望，中國古典數字工程依此邁出艱難一小步。

乙、目標

從一九八五年至今，工程按規劃，首度構建四十萬人組成的人物庫，每位錄載名字號諡、皇朝帝代、年齒爵里、科舉仕途、詩文專著及文獻出處等多項基本信息。其中上自義農，下迄北宋，已得一萬伍千人存世全集，本叢書依此一一編出，當是本工程副產品之一。預計最終完成會有四萬人左右。以保存為目的，以研討為服務對象的「萬人集」由此而生。

丙、原則

遵從孔子「中庸之為德」「述而不作」之原則，貫徹錢師所謂「做裁縫不做外科醫生」之科學理念，故對於一切爭議兼收並蓄，不捲入爭論，不為人師，不設門派，不下結論，不遮風避雨，不空耗紙墨，惟以盡力提供完整資料為己任。

丁、底本

兼顧良善珍稀和方便通行，構建自主之底本，一律注出而不詳加論述。其它版本之中採納已經驗證之字句灼見，亦注明來源，以示對先輩尊重。而對民族和政治傾向偏執之《四庫全書》等，當慎之又慎，非僅存孤本，一般謝絕採用。歷代文獻及目錄史料當中，有關先秦時期典籍減少記錄。其文本又經千年學眾搜集、勘定、補充、傳承，面貌多存變化，然太昊、神農、黃帝肇始之功不可泯失。

戊、編例

一、秩序

本集所收作品大致分為舊存、新輯、專著三個部分。取清嚴可均氏等遺存著作，再經校核或加載不同版本異文，是為舊存。新輯者，則由本工程從電腦系統逐條搜獲所得。專著部分，則選取通行良善版本或前或後置之，或標卷標之下。

二、標題

編入作品，如舊存標題，儘量沿用。如標題相同，則在其下加添編號。當新舊文字混編時，對於舊存內容，在其標題之下標以「*」，或逕直注出。

三、正文

新得部分取出處最早或版本較優者。例如出自二十四史者，則選用百衲本，並以《叢書集成》等其它版本補充。如果注釋內容偏少，則祇收和注釋相關的正文或將正文移作標題。惟因本集收集文字甚

遠，歷數千年流傳，文字數番譯轉，甚至變化不可名狀，多疑有後人所添改。先代鴻儒，偶有鍾情西方文化者，采用考古之行例，甚至司法之定律，將文獻視同文物，將千百年演化視作一時之突變，把文字演化傳承認定為傳說故事，三墳五典八索九丘概歸子虛烏有，從而否定古代文典之可信成分。吾輩祇知忠實於現存珍貴文字，便利專門家做出適當判斷，故編者不做「考辨」。正文以原文為起迄，對該文述及之緣由乃至所引發之後果，作為題下小序、補語或語境存證，多予保留。

四、異文

「異文」包括作者、標題、序言、正文等。其異文或自成門派，或出多家，或載他本，有可供參考者，則於該段正文後，以先本書再他書為序，列作異文，各條異文，以引文為序。當年錢師審讀田奕碩士論文《論宋詞查重》時說，電腦查重，詞比詩難，中比西妙。不必再行手工費力露拙，僅止「盡量提供」足矣，不多寫，不上課。本書另置有「附錄」，收錄較異文繁雜之參考文字，則收於適當位置。「異文」與「附錄」均置紅色。專著部分，則以標題或節段為單位，在近處依次記錄異文，並在其下標明出處。異文項僅取必要之文，不取底本之外確知為舛錯之字；更不輕取無版本依據之字，無異作者又無異文者不再引錄。由於本叢書使用電腦編輯，最終將流歸鉅大「數字工程」，因此本書編輯必須適應古籍校、注、疏、箋多樣內容及格式。本書「異文」立「多取數字」為對位原則，俾令筆直之電腦能將異文準確頂入文本，參與多門運算。為適應古籍以及電腦之雙重特性，恰如錢師所言「能幫助人的電腦需要人的更多幫助」也。

五、出處

凡所輯錄文字，均於正文後注為第一出處。出處先注作者朝代、作者姓名，再標作品名稱、卷數章節。而對《太平御覽》《永樂大典》等名籍則不注朝代和作者。若文出多家，第二出處以下不涉文字異同，祇示參見。異文的出處同樣標為雙行小注。若同一出處多條，則於最後一條下標出處，或加「以上」兩字。專著和注作的出處，前置「以下」起始，必用「以上」作結。

六、標點

本書標點採用傳統斷句、依事分段格式，以適古來各式之文體及電腦運作。

七、附錄

每朝每代均存遠貸署名之作，雖文字內容、風格與所屬時代多呈不符，其語句多為歷代所引，但又有留存參觀必要者，作為附錄。某些作品，尚未為歷來學界認同，則在全書最後之「參考書目」中羅列。目錄過繁則加排索引以供參證考索。

己、致歉

今編新集，係藉數字工程之助，統於士人之心智，佐以電腦之良能。惟其首創，或珠遺滄海，或李戴張冠；將欲絕之，奚敢云必。所幸通人大雅，有以諒解。至於指謬正訛，無任歡迎。再版當益趨完善。

庚、追遠

追溯工程創建之初，實承默存先生授命。規模架構，定在厥先；持之二十有八年，略收成效。今此支離輯錄，可見一斑；藉告在天，或堪少慰。欲將為山，功在不捐；繼大匠以先知，庶後來之可述。

老子集目錄

題辭

小傳

凡例

目錄

卷一

道德經上 第一章起

卷二

道德經下 第三十八章起

卷三 新輯

老子曰 一百四十二則

老萊子曰 七則

卷四 新輯

太上老君說常清靜妙經

西昇經卷上

西昇經卷中	一三三
西昇經卷下	一三七
太上老君內觀經	一四三
太上老君內丹經	一四六
顯道經	一四八
太上老君養生訣	一五九
附錄：參考書目	一七〇

老子集卷一

道德經上·第一章

道可道。非常道。名可名。非常名。無名。天地之始。有名。萬物之母。故常無欲。以觀其妙。常有欲。以觀其微。此兩者同出而異名。同謂之玄。玄之又玄。眾妙之門。

異文無名。為萬物始。有名。為萬物母。釋吉藏·中觀論疏卷六末

常無欲。以觀其天地之始。元·劉惟永·道德真經集義卷二

常有欲。以觀其竅。元·陳致虛·上陽子金丹大要卷十三

常有欲。以觀其一氣之道。元·劉惟永·道德真經集義卷二

附錄道可道也。非恒道也。名可名也。非恒名也。無名。萬物之始也。有名。萬物之母也。□恒無

欲也。以觀其眇。恒有欲也。以觀其所微。兩者同出異名。同謂玄之又玄。眾眇之□。馬王堆帛書·道經甲本

道可道也。闕九恒名也。無名。萬物之始也。有名。萬物之母也。故恒無欲也。□□□□。恒有

欲也。以觀其所微。兩□□□異名。同謂玄之又玄。眾眇之門。馬王堆帛書·道經乙本

道德經上·第二章

天下皆知美之為美。斯惡已。皆知善之為善。斯不善已。故有無相生。難易相成。長短相較。高下相

傾。音聲相和。前後相隨。是以聖人處無為之事。行不言之教。萬物作焉而不辭。生而不有。為而不恃。功成而弗居。夫唯弗居。是以不去。

異文長短相形。高下相傾。

河上公老子道經·章句第一·養身第二

長短之相形。高下之相傾。

萬物作而不為始。生而不有。為而不恃。功成不處。夫惟不處。是以不去。

以上道經古本篇上·第二章

天下皆知善之為善。斯不善也。

淮南子卷十·道應訓

萬物作而不辭。生於不有。為而不恃。功成而不居。夫唯不居。

太平御覽卷七六·皇王部一·敘皇王上

功成而不居。夫惟不居。

淮南子卷十二·道應訓後漢書卷七十一·列傳第六十一注

附錄

天下皆知美為美。惡已。皆知善。斯不善矣。有無之相生也。難易之相成也。長短之相形也。

高下之相盈也。音聲之相和也。前後之相隨。恒也。是以聖人居無為之事。行

闕十

也。為而弗恃

也。成功而弗居也。夫唯居。是以弗去。

馬王堆帛書·道經甲本

天下皆知美之為美。惡已。皆知善。斯不善矣。

□□□□生也。難易之相成也。長短之相形也。

高下之相盈也。音聲之相和也。前後之相隨。恒也。是以聖人居無為之事。行不言之教。萬物

作而弗始。為而弗恃也。成功而弗居也。夫唯弗居。是以弗去。

馬王堆帛書·道經乙本

天下皆知美之為美也。惡已。皆知善。此其不善已。有亡之相生也。難易之相成也。長短之相形也。高下之相盈也。音聲之相和也。先後之相隨也。是以聖人居亡為之事。行不言之教。萬

物作而弗始也。為而弗恃也。成而弗居。天唯弗居也。是以弗去也。
郭店竹簡
老子甲

道德經上·第三章

不尚賢。使民不爭。不貴難得之貨。使民不為盜。不見可欲。使民心不亂。是以聖人之治。虛其心。實其腹。弱其志。強其骨。常使民無知無欲。使夫智者不敢為也。為無為。則無不治。

異文使心不亂。是以聖人之治。

常使無知無欲。以上老子本義。
上篇·第三章

為無為。則無不為矣。道經古本篇
上·第三章

不上賢。使民不爭。

不見可欲。使民不亂。

恒使民無知無欲也。使夫知不敢弗為而已。則無不治矣。以上馬王堆帛
書·道經乙本

不貴貨。使民不盜。北堂書鈔卷二十七。
政術部一·論政

道德經上·第四章

道沖而用之。或不盈。淵兮似萬物之宗。挫其銳。解其紛。和其光。同其塵。湛兮似或存。吾不知誰之子。象帝之先。

異文道冲而用之。又弗盈。

老子本義·上篇·第四章 馬王堆帛書·道經乙本 太平御覽卷三二二·兵部五三·勝

吾不知其誰之子。

老子本義·上篇·第四章

道盅而用之。又不滿。

道經古本篇上·第四章

道盅而用之。

說文解字卷五上

道冲而用之。或似不盈。淵乎似萬物之宗。

唐·澄觀·大方廣佛華嚴經疏序會本演義鈔卷一 太平御覽卷六五九·道部一·道 宋·周固樸·大道論

湛兮似或存。吾不知誰氏之子。

初學記卷二十三·道釋部·道第一

湛兮似若存。吾不知誰之子。

宋·洞陽子·太上洞玄靈寶天尊說救苦妙經註解

道德經上·第五章

天地不仁。以萬物為芻狗。聖人不仁。以百姓為芻狗。天地之間。其猶橐籥乎。虛而不屈。動而愈出。多言數窮。不如守中。

異文其猶橐籥乎。虛而不詘。

道經古本篇上·第五章 宋·俞琰·周易參同契發揮卷一

動而愈出。多聞數窮。不若守於中。

馬王堆帛書·道經甲本 馬王堆帛書·道經乙本

天地之間。其猶橐籥與。虛而不屈。動而愈出。至虛。恆也。守中。篤也。

郭店竹簡·老子甲

天地不仁。以萬物為芻狗。君王不仁。以百姓為芻狗。

宋·宗翌·註法華本迹十不二門序

天地之間。其由橐籥乎。

太平御覽卷六五九·道部一·道

其猶橐籥乎。靜而不屈。元·趙道一·歷世真仙體道通鑑卷三

道德經上·第六章

谷神不死。是謂玄牝。玄牝之門。是謂天地之根。緜緜若存。用之不勤。

異文玄牝之門。天地之根。綿綿若存。時之不勤。唐·孫思邈·孫真人備急千金要方卷八十二

玄牝之門。此為生死之根。綿綿兮若存。太上老君元道真經注解

玄牝之門。是為天地根。宋·彭耜·道德真經集注雜說卷下元·王玠·崔公入藥鏡批注

玄牡之門。是謂天地根。太平御覽卷六五九·道部一·道

玄牝之門。是謂大地根。宋·俞琰·黃帝陰符經注元·衛琪·玉清無極總真文昌大洞仙經卷七

黃帝書曰。谷神不死。是謂玄牝。玄牝之門。是謂天地之根。緜緜若存。用之不勤。列子集卷一·天瑞第一

附錄道德經云。守一之息。綿綿若存。所恨守一之元。用之不勤耳。唐·長孫巨澤·玄珠心鏡注

道德經上·第七章

天地長久。天地所以能長且久者。以其不自生。故能長生。是以聖人後其身而身先。外其身而身存。非以其無私邪。故能成其私。

異文天長地久。天地所以長且久者。文選卷十五·思玄賦注